

Aruba Bank ta Sostene Fundacion Museo Arubano

Inauguracion di exhibicion "Carnival Euphoria" Bon Documenta



DIAHUEBS atardi a tuma luga e apertura di e gran exhibicion cu ta expone Historia di nos Carnaval bou e nomber di "Carnival Euphoria". Den e edificio di ex-Green Hill Supermarket na San Nicolas, Fundacion Museo Arubano a inicia e prome fase di nan proyecto cu lo tin un duracion di dos (2) aña.

E exposicion aki ta traha pa preserva, documenta y duna informacion di Carnaval di Aruba. Comunidad tawata presente na e apertura ricibiendo informacionnan valioso di e historia di Carnaval. Tambe e anochi aki a duna honor na e revista Bacchanal celebrando 20 aña di aniversario.

Exposicion "Carnival Euphoria" lo wordo amplia despues di Carnaval 65 cu donacionnan di diferente trahe carnavalesco. Lo haci diferente tipo di tayer den e parti patras di edificio. Expertonan riba e tereno di Carnaval lo ta dunando e tayernan, en particular na hobennan cu e meta pa garantiza e sostenibilidad di Carnaval entre e hubentud.

Aruba Bank ta contento di por a contribui cu e Exposicion "Carnival Euphoria", pa asina sigui engrandecé Aruba su Carnaval y garantiza cu e fiesta cultural di Aruba sigui marca historia den nos pais.